




指迷寶錄

邵瑞澄敬題
亨

風陵文庫
文庫19
F292
3



指迷寶錄二集目錄

土神

報

關聖帝君

論

中皇佛

論

玉皇大天尊

詔

孚佑帝君

論

中皇佛

論

御祿佛

示

F0292-(3)

太乙天尊

論訓並詩

孚佑帝君

論

先賢朱子

詩論并勸信文

孚佑帝君

論

達摩祖師

詩論

孚佑帝君

旨

何祖元君

詩話

正陽帝君

詩話

張祖師

詩

藍祖師

詩論

孚佑帝君

論

御祿佛

論

中皇佛

論

關聖帝君

論

諸葛武侯

論

關聖帝君

論

宏教眞君 詩

中皇佛 話

大賢閔子 諭

御祿佛 諭詩

關聖帝君 話

觀音大士 訓

大賢仲子 諭

玉皇大天尊 詔

大賢仲子 諭并勸禮文

關聖帝君 諭

宏教眞君 諭

四大天王 諭 簡並天宮文牒

玉皇大天尊 詔

孚佑帝君 諭

宏教眞君 諭

關聖帝君 諭

元始天尊 訓

渾元天尊 話訓

太上天尊 訓詩

宏教真君 論

正陽帝君 詩論並戒色文解

關聖帝君 訓

文昌帝君 訓

孚佑帝君 訓

關聖帝君 來答 論

椒山楊公 詩論並勸義文

關聖帝君 話 賦文人賦文

文昌帝君 論

金龍四大王 論

黨大將軍 詩

南極大帝 詞詩

仙鶴童子 詩

孚佑帝君

諭

李祖師

歌

藍祖師

勸世歌

李太白仙

訓話

府城隍司

聯句

縣城隍司

禁婦女入廟文

縣城隍司

訓

從府城隍來者

話

宏教真君

詩

李太白仙

詩

宏教真君

詩論

馬天君

諭訓

關聖帝君

諭話訓又話

朱柏廬先生

詩并勸廉文

孚佑帝君

話

正陽帝君

詩諭訓

關聖帝君 論

土神 報

宏教真君 詩

馬天君 話

宏教真君 詩

葛真人 詩話

土神 報

縣城隍司 詩示

關聖帝君 論訓并話又訓諭

御祿佛 諭

東嶽大帝 諭

玉皇大天尊 詔

關聖帝君 諭

關聖帝君 詩諭訓

南海大士 諭

關聖帝君 諭

釋迦牟尼佛 諭

韋尊者傳世尊 旨

周將軍傳 旨

南海大士 示

周將軍傳 旨

韋尊者 話

馬天君 示

周將軍傳 旨

紫虛真人傳 旨

太上天尊 在壇不可犯規文

周將軍傳 旨

韋尊者傳 旨

南極大帝 話

馬天君 諭

周將軍傳 旨

吟秋真人 詩話訓

宏教真君

話

吟秋真人

詩

孚佑帝君

詩話又詩

瑤島司華使

詩論話

青縣城隍司

示戒重貨財薄父母文

麻祖元君

詩話詞又話

關聖帝君

詩

文昌帝君

詩

孚佑帝君

詩並訓

關聖帝君

話詩

代定菩提

詩歌

御祿佛

論

關聖帝君

論

土神

報

三丰祖師

詩論

李太白仙

詩

關聖帝君 諭

孚佑帝君 諭

斗口大魁 詩話

渾化真人 詩諭示文詩話

馬天君 話

三丰祖師 詩訓

孚佑帝君 詩話

孚佑帝君 諭

馬天君 諭

東方大仙傳 諭

周將軍傳 旨

本省總城隍 詩話并勸孀婦文詩

周將軍傳 旨

瑤池金母 生女切忌驕傲文

生女切忌豔妝文

生女切忌常出門文

生女禁與外人交談文
生女切忌輕辱奴婢文

周將軍傳

旨

釋迦牟尼佛

詩

周將軍

誌

渾化真人

訓

關聖帝君

歌訓并旨

李太白仙

詩

空朗禪師

偈話

厚德禪師

偈

周將軍傳

旨

桂宮諸仙到

崇甯眾將軍到

孚佑帝君降

文昌帝君降

關聖帝君降

諭金闕近臣到。爾等待立。

金闕四正相顏會思孟降

太乙天尊降

普化天尊降

斗姥元君降

南海大士降

御祿佛降

御壁佛降

中皇佛降

諭玉帝駕尚未出通明。有旨命我佛點名。點名畢曰。上二次帝幸此堂。諸生倉卒。此日特

爲預示。然儀注一切。必須有一贊者。至於此日。迎駕獻爵。以至頒賜禮節。皆不可忽。演來我看。演畢曰。尙不精細。然時已至矣。日後再講求可。焚香事。另派執事。西廂門首侍王生。西廂內陳果胡生。階墀下一人侍獻茶果者。從西廂來自階墀爲止。某生從階墀至供案。王生續檀香預先多續。不必再續。獻畢向東北九叩。二贊者不叩。餘皆叩。叩完參駕九叩。

主參者跪壇上案前。獻茶果焚香。侍案者代入爐內。無執事按序跪。皆獻完。三叩興。執事不叩。排立。時刻已至。迎駕。

玄穹高上帝玉皇天尊駕幸

詔曰。諸天跪送出通明。坦坦遙遙萬里平。諸子墀前皆鵠立。一聲臚唱柳煙輕。誠意真能感上天。鑾輿特至瑞堂前。名茶嘉果呈香案。淡淡金爐裊御煙。朕賜松柏萬年四大字。命御祿佛書。朕歸叩送。

孚佑帝君

諭玉帝駕歸。諸帝君滿天佛祖。赴通明謝恩。汝等暫退。戊初再焚香向北迎駕。

戊初

孚佑帝君降

文昌帝君降

關聖帝君降

御祿佛降

中皇佛降

桓侯大帝降

雷府四天君到

隨駕諸尊同到

本縣城隍到

本府城隍到

中皇佛

諭適纔諸帝赴通明謝恩。帝顏頗和。但責諸

生莫能從容。亦禮節未習熟之故。後值玉帝
駕幸。切宜從容。莫同今日。至於贊禮一層。莫
非以助威儀。下次亦不可免。但禮節間。尚須
斟酌。日後可細追不到處。共擬儀注一紙。吾
佛特來親看。

御祿佛

示子奉旨書松柏萬年一張。並重賜東西二
張。每張二字。急書回奏。今賜三省二字。還有

九思二字未賜。下壇再賜。

尋聲赴感太乙救苦天尊降

論子飛鸞開化。幾徧寰區。木筆垂書。屢來塵
世。亦欲以救苦之婆心。挽人心之闇昧。庶可
臨流登岸。上大悲之舟。待渡回頭。歸極樂之
界。此吾救世之心。稍可酬也。無如世人愚昧。
竟不回頭。吾輩苦心。無日可了。是以宣化之
舉。又重興焉。夫亦知世道終難回。徒負諸尊

之苦志。而好生不可失。難泯佛祖之深心。故我特來先勸諸生。正人必須正己。卽此書成時。不能廣化斯世斯民。而能感化壇下諸弟子。同歸聖道。各葆性天。庶不負我等之苦衷云爾。

訓 胡生 呀。汝在此也。跪。汝在上天。忽思塵世。豈不知紅塵滾滾。苦受無限之風沙。孽海茫茫。難保本來之面目。我看汝下世以來。大非

從前之氣象。降塵而後。減卻無數之丰神。此心早被塵土掩矣。可惜可惜。日後洗心淨慮。好教古鏡重明。過欲存仁。須識桃源有路。甚不可永墮輪迴。切記。

賜 胡生 詩

古來多少鍊丹仙。雖欲登雲總枉然。汝旣超開三界外。豈容忘卻大羅天。

孚佑帝君

論今朝清夜妙甚。有卷賢朱子來臨。向北三叩。

大賢朱子降

詩

元機妙在眼前看。何用溪山訪道難。魚躍鳶飛藏妙諦。平平坦坦透長安。

論子奉玉帝旨來垂勸信文一篇。

勸信文

夫毛遂片言九鼎。季布一諾千金。古人懍懍於此者。今人可昧昧於此哉。豈不知夫子設教。無不以信爲先。儒者持躬。要必以信爲重。卽農賈百工。無不以此爲本。儒若不信。何能造就於聖賢。農若不信。何能收穫乎嘉穀。工賈若不信。何以身居市肆。迹寄湖海哉。何則信爲心之主。身之準也。失其信。卽失其身心也。無心事必不成。無身事何以理。願斯世自矢肫誠。撫衷而無愧。

自求篤厚。當夜而無慚。保其信。卽保其身心也。
又何啻孝弟忠之爲重哉。吾特呼斯文爲勸信。
孚佑帝君。

諭諸生向西叩迎達摩祖師。

達摩祖師降

詩

虛空元妙配乾坤。心鏡磨礪莫染塵。色卽空時
空卽色。欲知大法問當人。

論此詩包藏無數妙法。只須清夜追維。自能
得其妙諦。一心潔淨。自能透其淵源。自我道
不興。日趨於下。世風莫振。日就於低。獨不思
物爲我愛。尙自珍藏。身受天生。豈容自棄。傷
損其皮骨。猶知不勝其難堪。而損壞其性天。
豈可坦然而自忍。世之以小失大者。徃徃然
矣。在壇諸生。欲成善舉。且自修其性焉。可送
我再來垂訓。

土神報日。關帝桓侯文帝歸天。叩送。

呂帝旨向西三叩。迎諸祖師。駕到。

何祖元君降

詩

苦海浪花浮。却少渡人舟。萋萋林外草。漠漠水邊樓。日月古今色。江河天地秋。英雄能有幾。一片盡荒邱。

話吾仙特來瞻仰。聞說此壇與眾不同。果然

堂幽人靜。異彩紛披。皆是諸尊墨蹟。祥光繚繞。莫非佛祖慈輝。可嘉可敬。

正陽帝君降

詩

大海幾浮沈。天地無古今。青山依然在。古人何處尋。世道頹唐久。人心奸矯深。吾仙看湖海。惟有淚沾襟。

話前朝酒色財氣四條。尙有三條未續。奈今

宵天宮有事。不克久留。下壇再賜。

張祖師降

詩

孤雲一片任遨遊。看徧名山與大邱。此日跨驢
來得得。老仙亦造救人舟。

藍祖師降

詩

香篆飄飄入九重。青天銀漢露華濃。吾從海上

看希聖。片片紅雲老屋封。

論四仙經此過。特來稍坐向東北送。

初二日巳刻

御祿慈靈聖佛降

孚佑帝君降

諭禮節一舉。早為擬出。呈閱。日後諸生。各宜
平矜釋躁。去偽存誠。要緊。

御祿佛

諭今朝特來書九思二字。

中皇佛降

諭今日奉旨。命御祿佛書抱樸含貞四字。書

畢曰。諸尊歸天送。

戊刻

孚佑帝君降

文昌帝君降

中皇聖佛降

諸葛武侯降

桓侯大帝降

關聖帝君降

論大凡人心以齊為用。事理以議為本。至於禮節一切。斟酌妥當。一體奉行。互相察看。有失儀可同壇上。不可不言。聞土神報曰。儀注擬得。奏明上帝。命中皇佛來親看。並命武侯酌理。

諸葛武侯

諭予閱畢。不甚支離。贊禮者與陪。一切執事。仍從上次。但上帝駕臨。儀容要整。昨朝卽有未整者。執事以及主參。皆宜緩步。不可有足聲。跪叩皆宜從容。不可忙迫。侍壇者不可接談。尤須細囑後院眷屬。切莫高聲。恐驚帝駕。至於贊禮者。亦必須委婉低聲。不可高呼。此亦慎重之意。壇下無非如是。至於細微。汝等

各宜自戒。莫犯天顏。

關聖帝君

諭予自降壇以來。壇下人少。而且禮亦未精。此日人雖不多。而尙有十餘。禮雖未備。而尙能有序。果能一體奉行。庶不負我上帝之格外加恩也。諸生切宜齊心努力。以成善舉。不可其中有懈惰者。至金何二生。共理壇下事務。尤當諸事共爲參酌。誰有未見及者。伊可

提之。誰有稍不周者。伊可責之。互相辦理。始
可為以下諸生之正鵠。作壇前眾人之範圍。
切不可日久之時。或有懈惰。或懷芥蒂。或起
疑猜。切勿負我關大帝。

初三日

宏教真君到

詩

夜漏初長暝靄微。祥雲片片任高飛。爐烟結篆

飄然舉。直入重霄白玉墀。

初四日

宏教真君到

孚佑帝君降

楊
聶二仙到

文昌帝君降

崇甯四將軍到

關聖帝君降

折逆寶錄 卷二
雷部四天君到

桓侯大帝降

觀音大士降

中皇佛降

話汝等又有擬儀注呈閱。閱畢曰。此數條煞費苦心。汝等後宜齊心爲要。尤不可有芥蒂。當言者必言。當諫者必諫。無論長幼。有言可從。卽當從之。向北恭迎大賢閔子。

大賢閔子降

論甚哉。汝等遭際。千載一時也。想我侍夫子之時。得至聖之提撕。此緣莫可媲美也。豈知諸生立宣化一舉。得沾上帝之恩膏。又得聖賢之教澤。雖莫覩儀容。然天威咫尺。何啻遇諸耳目也。諸生此段奇緣。實不能再遇。豈可優游自處。有負上帝之心。情息自安。枉聽聖賢之訓。成聖成賢之階。竟茫茫而失之。有不

日趨下流者乎。願諸生立廣大之功勳。登聖賢之界域。此功此德。不可言量也。前途自重。諸生自戒。我歸向北叩送。

御祿佛降

諭重書抱樸含貞四大字。書畢

詩

疏星幾點落平沙。南浦雲歸隱月華。大筆淋漓揮大草。含貞抱樸墨痕斜。

人靜更初漏永時。揮餘四字墨淋漓。諸生東北誠心叩。送我雲光入御墀。

關聖帝君

話關大帝慈悲。各賜茶一盞。

觀音大士

訓關大帝恩。無復加矣。何等慈悲。何等體貼。雖父母亦不過如是耳。諸生能以關帝待汝等之心。為汝等待關帝之心。處處體貼。處處

審察。帝欲忠孝則忠孝。帝欲節義則節義。爾等必須絲毫不敢稍違。訓語無不遵。規矩無不循。庶不負帝君待汝等之苦心云爾。諸生莫忘。退下兩邊齊立。大賢仲子到。向東北叩迎。

大賢仲子降

諭祥雲飄飄。瑞靄遙遙。奉玉帝旨。下降重霄。曠觀世界。天性全消。上天震怒。罪譴難逃。或

加水火。或動兵刀。種種惡報。皆由自招。君子好善。宣化功高。帝尊慈惠。如仰唐堯。奉行眾善。私欲全拋。涵養心性。真樂陶陶。久而弗懈。共得逍遙。奉旨到此一觀。諸生心惟誠一。大

可觀。金何二生來。玉帝有詔跪接。詔曰。咨汝小子。敬懷天章。宣化任重。事業堂皇。既為表率。夙夜弗康。從前意見。不免參商。自茲以往。共篤包荒。規模宜立。禮節宜詳。跪拜升降。進退趨

并送寶錄 卷二
踰互相參酌。互爲匡襄。事豫則立。謀慎斯臧。勿形
彼短。勿恃己長。勿懷忌妒。勿計低昂。嚴以自責。勉
以自強。謀深慮遠。智圓行方。營私植黨。休擾衷藏。
二者切記。時刻預防。久而不懈。定獲吉祥。爾宜謹
懍。須臾莫忘。特詔。

諭予賜勸禮文一篇。賜壇上四人茶一盞。壇
下諸生飲茶。一叩而興。

勸禮文

且縉紳之子。富貴之士。優游放蕩之時。莫非爵
祿自雄。先生禮法之堂。不覺手足無措。似此者
可勝道哉。亦莫非禮未明耳。更有趨承奉敬。自
爲處世之嘉謨。屈己卑躬。自爲行人之妙計。雖
欲託禮之名。不得禮之實。其可謂知禮乎。禮之
實。惟敦五倫。克全其道。遵三綱。克盡其誠。人所
當爲。無不爲。此所謂禮也。至趨踰之節。爲其末
耳。爲臣者禮當忠。能忠卽爲盡禮。爲子弟者禮

當孝弟。能孝弟便爲盡禮。明乎職之當然。而不留遺憾也。其可謂知禮也夫。

關聖帝君

諭汝等誠意上感蒼穹。上帝屢降恩詔。但欲克全美事。得救世上迷蒙。上帝所以不憚屢次駕幸者。莫非鼓舞汝等之志耳。日後再有不遵訓者。吾未如之何矣。

初五日

宏教真君到

諭今宵諸生演禮。帝君特命我來觀。演畢曰。可以後演禮。命土神觀可也。吾歸。諸生三揖而送。

初六日

四大天王降

諭玉帝詔降。諸生跪接。

詔曰。今日申正二刻。有上清元始天尊大駕來臨。

並有渾元天尊。太上道祖。爾等務須早爲齊集。莫
悞特詔。

宏教真君到

孚佑帝君降

諭四帝主位。用四椅窗下。太乙普化二天尊。
東西陪。關帝桓侯西窗下。文呂二帝東窗下。
太乙西桌。普化東桌。所餘座皆去。每座供果
三品。正案供皆跪獻。然後西。再東。後西几。既

東几。儀節愈肅愈妙。

宏教真君

諭予在壇。諸生速理供物。不可稍有不謹。以
致失儀。小心候駕。

士申刻

孚佑帝君降

文昌帝君降

關聖帝君降

桓侯大帝降

元始天尊降

渾元天尊降

太上天尊降

太乙天尊降

普化天尊降

關聖帝君

諭諸生階下九叩參。

元始天尊

訓予位上三清。爵高四極。久不下降。凡世矣。

今聞此處有宣化。玉帝頗為鄭重。諸尊無不

臨壇垂訓。予遂來結香火緣。嗚呼。三代以來。

幾經興敗。國家無數變更。江山幾番改色。古

道久而弗存。人心險而愈壞。挽回世道。豈易

易哉。在壇諸生。勉力奉行。果能救度羣迷。此

功德廣大。何難壽同天地也。

打金寶錄 卷二
渾元天尊

話壇上果醴茗香。無不淨潔。壇下立聽侍壇之衆。無不恭誠。可謂儀文備而心意尤專也。頗不負玉帝之獎誇此壇也好。

訓世道久頽。人心日偽。茫茫苦海。俱是迷路之人。滾滾波濤。誰作臨流之渡。黑氣紅沙。迷人耳目。妖氛沴氣。亂人身心。明明之正路。舍而弗由。曲曲之邪途。奔而投入。聲色貨欲。紛

紛憧擾於中懷。仁義道德。昧昧莫明。其至理日擾於酒色財氣之間。全不顧忠孝節義之本。一派趨炎附熱。屈己徇人。誰尙知抱璞含貞。只曉沽名釣譽。豈不聞百年荏苒。紅顏易作白頭。數載光陰。駒隙頻催馬齒。豈能永享安樂。不墮輪迴哉。任有詭計奇謀。難使无常不到。金銀珠翠。難買壽命永存。何若早早回頭。免受輪迴之苦。細細捫心。不作害理之爲。

卽逢壽命終時。所接者金童玉女。所過者銀漢虹橋。得享極樂之鄉。不勝於甚苦之世哉。世人其自思之。

太上天尊

訓夫三教興立。百邪不侵。豈知世代多而人心亦假。異端起而正道弗興。斯世斯民。不堪問其心矣。雖有上古遺留救世之文。隱忍而弗看。紛紛擾擾。渺渺茫茫。卽有稍悟者。習俗一染。不免合乎污世矣。故神道設教。於以興焉。無數之訓誥詩文。全賴爾等數人。宣傳斯世。善緣不可限量也。予有數言。諸子切記。

詩

紅塵滾滾海無邊。度世誰操一葉船。諸子旣當宣化責。各須涵養性中天。不必窮山與盡源。清宵且自問心田。靈山種得蓮千樹。莫忘本來極樂天。

宏教真君

諭帝君皆歸。向北叩送稍息。向北迎我師請。
正陽帝君垂色財氣三條。

正陽帝君降

孚佑帝君降

正陽帝君

詩

日落平沙一望遙。村林隱隱路迢迢。參差蝶影

知城闕。灼爍寒芒認斗杓。爐有香飄風倍遠。天
教暑退雨初消。諸生莫把良時錯。重看熙和樂
聖朝。

諭我今到壇。垂戒色一條。本擬今宵將二條
訓完。想明日又是正期。今宵應早早徹壇。明
日多訓。精神方可圓足。

色一條

且人之生理為大也。父天母地。得山川之靈秀。

而遂能成形。莫不由陰陽化育也。可謂陰陽大法妙無窮。萬物皆由化育生。混沌開時分造化。人身原是小乾坤。人之氣卽天地之氣。豈可漫不加意也。最可恨者。竟有少年浪子。學風流。醉卧羅幃。總不休。失却本丹。怎再獲。靈芝妙藥。總難瘳。更有朝朝暮暮。惹神思。清夜無人。總自欺。豈識心猿難鎖住。邪途岐路任奔馳。此淫之害人最大也。莫不由一念之生。故意淫。莫減於身。

淫之罪。此由微而顯。自然之理也。獨不思人生能歷幾春秋。紅粉朱顏易白頭。百樣風流終是假。何必貪戀粉骷髓。悟此庶可免色之害也。然亦貴人之自持焉耳。

戒淫解

此條首爲身淫發。亦爲意淫留。此念不生。此身亦不能行。故人先絕其意。然後身可不隨。試思陰陽之大道。豈可亂哉。卽有百端媚媚。絕世風

流死後亦爲白骨耳。人見白骨。豈有不畏。見美色亦同白骨看待。畏而遠之。庶可免淫色之大害也。言雖淺近。宜深味之。

初七日

宏教真君到

孚佑帝君降

桂宮

天雙地啞到

桂宮金甲神到

文昌帝君降

崇甯四將軍到

關聖帝君降

訓天地閒善惡雖殊。賢愚各別。其得天之性。同一善也。俗習一染。純駁於以分焉。所親近者忠厚之人。自能歸於忠厚。親近者諂佞之輩。自漸歸於諂佞。故孔子謂性相近。習相遠也。吾今大開方便。指點愚蒙。不憚其勞。不辭

其苦欲以一言能喚醒晨樓之夢客。吾之心方可慰也。無如飛化不止百餘處。垂訓不止千餘篇。究於世道人心。毫不克挽回一二也。可不悼哉。吾之苦心爲已盡矣。

文昌帝君

訓子自開化以來。世界已經歷徧。世道已曉其類。富貴功名。常營謀於內念。孝弟忠信。竟淡漠於中懷。豈知吾掌人世之文衡。所錄者

忠臣孝子。所削者奸佞邪流。富貴功名。莫不由孝弟忠信來也。何世人只知富貴。只圖功名。孝弟忠信。毫不加意。已失得名獲利之本。雖有千計萬計。而名利終不得如志矣。與其不能如志。何不撫躬自問。名利果何由得哉。

李佑帝君

訓夫堯舜之世。聖教方興。一時熙和之景象。爲萬世之規模。迨至聖出而聖教愈興。大成

集而異端不起。億萬世莫非皆由大聖人之正道也。若忠若孝，若節若廉，孰可茫茫而竟失哉。使其萬世之後，聖典煌煌，名言烈烈，何須又有神道設教哉。無如以聖人之經典，爲登進之階，以千古之詩書，爲釣名之餌。俗子庸夫，無不在醉夢之間矣。聖神不忍，故開化飛鸞，垂千百言之訓文，甚不外大聖人之教化。莫非用金針以砭世道，用良藥以醫人心。

忠臣孝子，所削者奸佞邪流，富貴功名，莫不由孝弟忠信來也。何世人只知富貴，只圖功名。孝弟忠信，毫不加意，已失得名獲利之本。雖有千計萬計，而名利終不得如志矣。與其不能如志，何不撫躬自問，名利果何由得哉。

李佑帝君

訓夫堯舜之世，聖教方興，一時熙和之景象，爲萬世之規模。迨至聖出而聖教愈興，大成

集而異端不起。億萬世莫非皆由大聖人之正道也。若忠若孝。若節若廉。孰可茫茫而竟失哉。使其萬世之後。聖典煌煌。名言烈烈。何須又有神道設教哉。無如以聖人之經典。爲登進之階。以千古之詩書。爲釣名之餌。俗子庸夫。無不在醉夢之間矣。聖神不忍。故開化飛鸞。垂千百言之訓文。甚不外大聖人之教化。莫非用金針以砭世道。用良藥以醫人心。

特作一聲霹靂。驚醒億萬人之睡魔焉耳。

關聖帝君

諭向北叩迎椒山楊公。

椒山楊公降

詩

千古忠心不易磨。空教舊淚洒山河。當時縱有經天略。其奈忠奸不並何。

諭予特來此處垂訓。見壇上下人頗安靜。儀

旨米實錄

卷二

三

頗嚴肅。甚爲可觀。但冀諸生日後。各遂其志。報効於國家。以了男兒之責任。卽不克遂其志。亦當盡孝於雙親。以盡人子之精誠也。子言切記。

話關帝命我來此。垂勸義文一篇。

勸義文

義之爲道不一。義之爲用甚蕃。大則在天地民物之中。小則在日用倫常之際。微則在隱微屋

漏之間。顯則在言語形容之下。義者莫非事物之當然耳。循義者固能得時措之宜。害義者何以定從違之準。予且細爲分焉。身統萬民之衆。舍義何以爲明君。權操百官之長。舍義何以爲忠臣。卽士農工商。莫不以義爲歸。莫不以義爲主也。斯世之人。自天子以至黎庶。誠能由人之正路。世道漸日新矣。人心亦日厚矣。卽草野庸夫。無知俗子。梗頑於以化。闇昧於以明矣。豈有

不重逢堯天舜日者乎。予特為天下申明大義。

關聖帝君

話有玉帝旨召。速速回天。叩送。

文昌帝君

諭吾帝已命天籟地啞。去請李謫仙。到此稍談。速備茶果。

金龍四大王降

諭吾來此稍坐。茶來。今日吾奉玉帝旨。來至

北省降雨。經此路過。特來一望。頗見興起。好人心亦頗誠敬。真乃呂文關三帝之善為教化也。願爾等多加功力。前途有望。吾不克久留。速送。

黨大將軍到

詩

白浪滔滔出海門。威風凜凜黨將軍。雷聲電彩風逾急。足兆耕農樂歲勤。

旨上寶錄

卷二

三

李白大仙到

李祖師到

藍祖師到

仙鶴童子到

南極大帝降

詞

大雨滂沱來急急。窗前漉漉瀟瀟。雷鳴電閃兼
風嘯。淒淒復瑟瑟。白點打芭蕉。別有高懷消永

夜。爐中香靄紛飄。仙人吟詠翻新調。一塵原不
染。百慮已全消。

詩

普天之下白茫茫。國幾興衰人幾亡。多少英豪
無處覓。野田荒塚草痕香。

從來豪傑共親欽。一點雄心貫古今。縱有功勳
垂竹帛。九原何處覓容音。

野花路草一天秋。縱目徒興萬古愁。百世賢愚

誰再認萋萋煙靄盡荒邱。

世人何不早回頭。莫趁風濤滾滾流。誰說荒蹊無野渡。前途卽有度人舟。

龍華宴在大羅天。壺嶠蓬瀛任往還。世態百般休戀住。莫忘極樂古靈山。

論星君回天叩送

仙鶴童子

詩

看徧名山與大川。全然不及大羅天。諸君莫忘靈山路。歸到瓊樓貝闕前。

孚佑帝君

論吾帝賜茶。大眾欲飲者各斟。飲畢一叩。

李祖師

歌

意翩翩。情得得。路遙遙。心落落。塵氛不染陶然樂。莫道仙人樂無窮。六欲七情全解脫。願世人

改前非悔前過。參參西天如來佛。蓮花爲池玉
爲臺。便是西天佛國。解開塵緣。飄飄洒洒無拘
索。那時候將世事全拋。隔斷紅塵登蓮座。何等
翩翩得得。遙遙落落。

藍祖師

勸世歌

紅塵上。亂紛紛。無邊苦惱怨何人。大地皆干淨。
徒自惹愁雲。忙忙亂亂何時盡。就是那白玉黃

金珠翠玲瓏。怎脫閻羅枉死城。轉眼樓閣屬他
人。就是他巨富比石崇。綠珠墜樓時。豪華有何
用。老仙一看等浮塵。言雖淺近。爾等細細追尋。
富貴由天定。半點不徇情。何若隔斷紅塵歸仙
境。

李白大仙

訓喜哉。諸生此段善緣之克成也。回憶前月
閒。爾等請仙閒叙。誰知引出一段奇緣。大可

幸也。可喜壇下人各各恭嚴肅敬，不忒威儀。此書成後，諸生何患不有三千功哉。願諸生勉勵前途，萬勿懈惰。蒼天最不負人，力學者何患功名不成。修道者何患正果不登。營業者何患事業不立。有病者病自好。有德者德愈高。爾等日後不可量也。果不負三帝教誨之心。敦五倫，重三綱，養性天，培心地，靈臺無多之處，不染一塵，何愁不與我輩同登仙籍。

以成玉筍之班。同列仙名。游徧瓊樓之地。壽同天地不朽哉。諸生自勉。

話爾等眾人可知柳少月乎。稟知曰：刻下已在桂宮，頗有光輝。可知汝等聲名非小可也。自前月一言薦舉，遂如此光輝。爾等一入此壇，一切邪魔俱不敢近。卽有諸仙無不敬待於爾等。萬不可失此登進之階。自甘暴棄，錯此良時，不可得矣。待書成之日，吾當痛飲汝

等慶賀酒我歸三揖送。

府縣城隍司到

詩

陰陽二氣本相和。府鎮守天津息眾魔。縣森森

天網難饒汝。府烈烈陰威豈讓他。縣餓鬼皆藏

古寺後。府冤魂半在野田多。縣君休忘卻陰司

法。府空有家私卻奈何。縣

府城隍司

禁婦女入廟文

予自奉冥旨。出守天津。一切風土人情。無不深

悉其故。每逢廟場之期。婦女如雲。狂子如雨。紛

紛亂亂。我一言之。不覺怒髮已竟衝冠矣。最可

恨者。莫如此輩。紅粉朱顏。搖搖蕩蕩。短裙繡服。

嫵嫵妖妖。名為行善。豈知敗名節。喪德性。莫不

由此而生也。吾垂此訓。願在壇諸生。廣傳本邑。

使婦女少來我駕前叩禱。彼雖求福。於此反賈

禍。何若少漬穢我清淨廟堂之爲愈也。

縣城隍司

訓予令天津多年。每看人心日壞。世道莫回。未嘗不涕泗而長歎也。不料此處成此善舉。大爲本郡之光輝。諸生責任匪輕。萬不可久而生懈。待得功成之日。不但爾等有功。卽我與府尊城隍。及本處土神。俱得高陞。諸生自重。我歸。

從城隍司者到

話予從城隍來者。諸生認我否。稟不知何位。曰。方纔邵子談及者便是。稟方纔談及某公。是否。曰。然。我今在府城隍處當差。特隨府尊到此。願君子屢勉前行。以成善舉。恨我生前未逢如此奇緣。但得諸君子成此善舉。我在陰司亦爲一大幸也。在壇一揖送。

初八日

宏教真君到

詩

雨後天邊漢彩明。涼痕入袖細羅輕。雲光遠護
堂希聖。百尺祥輝入太清。

李白大仙到

詩

風吹雲影出瑤宮。細細羅紋疊幾重。野渡斷橋
紅樹繞。竹籬茅舍白雲封。前溪嫋嫋漁家笛。古

道悠悠破寺鐘。倏忽已來宣化地。爐煙宛轉勢
如龍。

宏教真君

詩

斜月疎星夜寂寥。宵深冷露滴芭蕉。銀河皎皎
明如許。波穩伊誰渡鵲橋。

諭日後再逢雨期。有在此院住宿者。切不可
謔語相雜。尤不可妄動機筆。切記。每午架機

問者。此層免去。除卻正期請可。或同人中有
急緊要事可。否則不準。昨宵妄動機筆者。各
減卻二功。日後慎勿仍蹈前轍。

十一日

馬天君到

諭我自昨日奉孚佑帝君命。同土神李公共
鎮此壇。階下兩邊立。帝君少刻即降。小心候
駕。

訓諸生立此善舉。上感蒼穹。下通地府。萬縷
紅光。千條紫色。光輝莫比於希聖堂也。三帝
君煞費苦心。諸佛祖多降恩惠。爾等將何以
報答哉。亦惟有一字可報。曰誠。諸生侍壇之
時。固宜循規。而燕居之候。亦宜蹈矩。昔土神
鎮壇。爾等有侮慢處。土神不便責處。故帝君
命我。與土神同鎮此壇。我天君鐵面無私。有
犯規者。必要重責。爾等共遵勿違。階下高聲

打交寶金 卷二
宣與諸人共聞。

宏教真君到

孚佑帝君降

桂宮諸仙到

文昌帝君降

李青蓮仙到

崇甯四將軍到

關聖帝君降

雷府四天君到

桓侯大帝降

關聖帝君

諭鎮壇又有馬天君在此爾等各須仔細莫
犯規模。

話祭器備否。稟備日來。皆呈上日欠樸老。可
將就。祝文汝等斟酌詳明。呈上一紙。壇下聽
訓者報名。各報名畢。

訓 沙生 汝來聽訓欲入壇。稟求入壇曰。我看汝平素為人。不失敦厚。但於世態未能脫。汝入壇後。必須久。不可中道而止。壇下暫學禮儀。日後再派執事。吾帝今日大開方便。莫可辜負此機會。必須正己。然後能化人。既入壇。即為佛門弟子。吾帝賜名慕真。連叩謝恩曰。好。頗有誠敬之心。可賞賜茶。

訓 言生 少年立志貴堅貞。莫負光陰倏忽更。

有意堂前聽寶訓。佛門不愛不忠誠。汝既有心聽訓。吾帝不負汝慕善之心。日後勤進修途。以期上進。

訓 陸生 小小童兒。即知禮佛。可愛。賜茶。汝要好好念書作字。

訓 吳生 小榻一燈寒。黑甜夢裏歡。從今須檢點。得志上層巒。汝乃有志之士。况又聰明之子。何為洋藥惑也。稟弟子以後改過曰。能改。

過不為過。

訓趙生汝誰使你來。稟吳生是弟子先生從

先生來曰汝既有意來此在這等年歲知來

堂下聽訓而且氣不躁心不馳殊未易得賞

茶一盞。

論此時壇下聽訓者年歲不等恐未能人人

領會徹壇後可彼此參講。

話李生來命汝赴西屋將祝文稿工楷謄清。

吾帝上達通明恭呈御覽。膳畢曰諸生向北

三叩迎朱栢廬先生。

朱栢廬先生降

詩

蓬島逍遙不計年。無驚無喜樂陶然。披蓑岸上

釣鼈客。弄笛風前載酒船。一曲高歌林外月。三

千佳客海中天。君休忘却瀛洲好。何戀紅塵苦

海邊。

話予從瀛洲來也。聞此處大開宣化。不辭千里來。特垂勸廉文一篇。

勸廉文

昔吾謂刻薄成家。理無久享。此卽謂貪利不廉之輩。必不克久安富貴也明矣。無如世道卑。人心假。一切先賢所勸之良言。置諸度外。遂於廉道。竟漠漠焉。在位者莫非貪墨之流。不圖報國。而思肥己。在野者全屬貪婪之輩。只思利己。不

顧損人。卽肩挑貿易。莫不刻覈。巫醫百工。無不貪殘。古聖賢開闢仁義之大道。而易爲好利之成風也。廉道之昧也久矣。豈知刻薄成家。竟有淫昏之子。敗却家私。忠厚成家。必有誠實之嗣。克保家產。循環天理。不爽毫分。與其用百般計算。何若修一己身心。留家業子孫未必能守。留福澤子孫自能享受。世人悟此。廉道遂興。廉風遂起。世道日隆。人心日厚。豈不懿歟。

李佑帝君

話祝文寫竣否。呈上閱畢。曰。日後寫祝板。格式可如此。仍命李生寫。將此文向東北升化。關帝桓侯共奏通明。

正陽帝君降

詩

月色茫茫海上來。仙雲下降古蓬萊。諸生鵠立階墀下。疑是天宮白玉臺。

白玉臺邊會眾仙。仙人奏樂大羅天。天宮卻比紅塵樂。樂事多多喜自然。

諭壇下人又見多。是教化有興起之機焉。可喜。適關帝桓侯赴通明朝帝。少刻即回。

訓前程無限好榮華。休忘靈山是我家。拋卻紅塵歸正果。何須受盡苦風沙。諸生宜記此言。紅塵倏忽本如梭。頃刻人間百歲過。忽死忽生何日了。急須早悟密波羅。吾出此言。並

非欲爾等吞金鍊汞也。莫非靜養心源不放馳。清宵自己問心時。果能俯仰無愧怍。穩步天台白玉墀。况爾等又有宣化機會。從此加功。更爲易也。常蒙佛祖切提撕。茅塞皆開。醉醒時。但有一言諸子記。莫忘三帝大慈悲。關帝至矣。叩迎。

關聖帝君降

諭玉帝覽祝。天顏頗喜。且諭十五日酉正二

刻駕幸。諸生必須申正二刻齊集。誤時者罰跪香一炷。明日務必演禮。莫延。切記。

土神報曰。諸尊歸。叩送。

十二日

宏教真君到

詩

淡淡微雲隱日華。亂石奇峰峭壁斜。濃霧迢迢遊子路。炊煙縷縷野人家。谿邊籬畔環新草。天

指迷寶錄

卷二

四三

上人閒放好花，一片祥雲停此處。爐香細篆供新茶。

十三日

馬天君到

話今日諸生演禮否。稟同人到齊即演。曰今日必須演，方是否則不免倉卒矣。明日又不得演，後日即是祭期。

宏教真君到

詩

立秋天氣最清涼，隱隱微雲淡淡光。天使今年秋信早，金風吹到菊花黃。

葛真人到

詩

晚涼天氣正新秋，秋水秋雲秋影浮。浮沈千古英雄事，事事關心總是愁。

愁世難回上古風，風波浪起血飛紅。紅顏切莫

指迷寶錄

卷二

四七

菱花照照得容光已不同。

話吾仙經此路過。特來稍坐。

亥刻

土神報曰。本縣城隍司到。諸生叩迎。

司善籍者到

司惡籍者到

本縣城隍司到

詩

陰雲慘霧徧山河。南畝西郊白骨多。愧我官卑無妙策。能教世道變熙和。

示予小令。並無長策。以化世人。奈何奈何。諸生侍壇。萬勿懈惰。要緊。我回。

土神報曰。城隍司已退。諸生各便。

十四日

宏教真君到

孚佑帝君降

桂宮諸仙到

桂宮天龔地啞到

桂宮金甲神到

文昌帝君降

崇甯四將軍到

李白大仙到

關聖帝君降

諭諸生兩旁侍立。有新到者報名。未到者請

假。稟胡生請假曰。準。

訓王生。呀。好氣色也。汝少年何至虛弱如此。

皆由不知檢點。遂得如此之病。日後潛心正

氣。庶可卻病延年。汝當自慎。病已深重。一來

此壇。當記汝名。退。

訓言生。汝為何來。稟弟子聽訓來。曰。年歲。稟

十三日。退。

話王生何人引入。王生稟弟子引入。曰。速囑

他如不能支持暫去。病好再來。適纔馬天君稟此處演禮。頗有規模可觀。但有一件。壇下有二小童叩拜。明日接玉帝駕時。可退一旁。不可同叩。恐有失儀。致干罪戾。玉帝歸後。隨叩不妨。切記。臨接駕時。壇下跪叩者。與執事者。不準接談。除鳴禮讀詔念盤中寫之詔。不準有一聲。此壇演習禮儀。若臨期有失檢點。奏明玉帝。此壇演習禮儀。若臨期有失檢點。

不但爾等有罪。卽我等亦有責譴。慎之戒之。我頗懸念。爾等如玉帝降。細細演禮。執事扶鸞皆不叩。眾皆跪齊。恐扶鸞者至升堂後。以下必至參差。有執事皆不叩。急演。如儀容整肅。各各有賞。壇下王生不必叩。小童不必叩。此時眾宜嚴肅演禮。演禮畢曰。禮節尙屬無差。送諸尊後。諸生同入廂房息。此時侍堂二人。細心沉氣。徹祭器於廂房中間桌上。然後

迎帝君駕明朝太羹用素芹草務擇潔淨者。用白淨水烹。饌務要主參者親自洗米。在壇者皆可代主參熟。芹亦然。供擇潔淨者。汝等意欲用何品。稟擬用鮮供。曰。可。禮無非如是。今朝禮演頗齊。諸生同赴階下。跪飲茶一盅。訓于生。虛度光陰數十年。今朝方上大悲船。眼看境况同秋老。籐葛須拋未了緣。壇下隨班叩拜。賜詩遞與伊看。看畢稟弟子不甚解

曰。汝生年四十有餘。光陰倏忽。並未嘗得修身正心之法。故曰虛度。今朝我關帝立此堂。指引此處迷路之人。汝來壇下。如臨大海。而得渡舟也。眼看歲月深。而人必老。人生幾何。年過四十。宜知天命。籐葛言世事紛紛亂亂。須拋卻雜亂事。以樂終年。切記。

諭壇下小兒。可於明日東嶽大帝奉旨點名時。金生代此二人應名。因小兒年少。恐有失

儀不敢親近帝駕。明朝此屋四角皆要潔淨。諸生向北叩送。三帝回天。汝等稍息。可同新入聽訓者。再演禮一遭。關帝命周將軍觀儀。演畢三揖送。

十五日

崇甯四將軍到

周將軍到

馬將軍到

黃將軍到

漢趙將軍到

龐士元公到

諸葛武侯降

桓侯大帝降

孚佑帝君降

文昌帝君降

關聖帝君降

三十六金剛到

八大菩薩到

十八羅漢到

彌勒尊者到

達摩祖師到

普賢菩薩到

文殊菩薩到

西天釋迦牟尼佛降

隨駕諸位道門祖師到

太乙天尊到

普化天尊到

太上天尊降

張祖師到

藍祖師到

韓祖師到

曹祖師到

李祖師到

何祖元君到

正陽帝君降

眾星君到

北斗大帝降

南極大帝降

護法韋馱尊者到

四值神到

龍女到

童子到

南海大士降

各土神到

各廟神到

本處府城隍到

各省都城隍到

東嶽大帝降

豐都御史到

面燃大士降

幽冥教主降

眾將軍到

金龍四大王降

金闕節鉞使到

金闕眾護衛到

四大天王降

靈威廣法天尊降

靈佑大帝降

四大宰相顏會
思孟降

諸大賢到

中皇佛降

御祿佛降

諭玉帝旨。今朝滿天真宰。隨玉帝受享。西一
座太上道祖。東一座西天佛祖。中皇佛請東

嶽大帝點名。點名畢金李二生不到。

東嶽大帝

諭將冊與眾人看如逢大祭不來定扣不貸。冊用火焚中皇佛奏玉帝和龔行禮諸生排班。

玄穹高上帝玉皇大天尊駕幸

詔曰天恩厚大四海均霑鸞輿龍節下降中天列聖侍座萬佛排班案呈茗醴嘉果清鮮朕躬巡幸。

特到山莊多士濟濟排立兩邊千條紫氣冲入天關多加福澤天賜龍章一言賞賜益壽延年賜本堂名曰皇古山莊送駕。

關聖帝君

諭諸尊赴通明謝恩爾等候三刻再迎駕。移時。

孚佑帝君降

文昌帝君降

關聖帝君降

詩

萬道祥雲入九天。諸臣叩謝玉皇前。拜颺已畢朝初散。雙袖猶含禁御煙。

諭予赴通明謝恩。上帝頗喜。但助祭叩拜。皆不齊楚。尚非大謬。日後仍須演習。爾等自重。壇下立何人。報名畢。

訓安生。數十光陰倏忽更。白鬚華髮眼前生。

汝今有意來聽訓。身要勤修意要誠。

南海大士降

諭我佛法旨。十七日假皇古山莊希聖堂。請太上道祖一會。諸生小心以候聖駕。我佛請三帝君作陪。諸生可結善緣。臨期用供三桌。中一座太上道祖。西一桌三座關帝文帝呂帝。東一座我教主世尊主位。窗下西一座老衲。東二座文殊普賢菩薩。臨期辦置停妥。供

務要潔淨。

關聖帝君

諭予喜諸生誠敬。故諸天佛祖多有垂恩。諸生十七日更當加十分慎謹。十分精勤。此堂本三帝樹立。世尊借此會太上道祖亦為與本堂增輝。切不可負佛之垂恩爾等也。此日禮節僅可。尚無大謬。十七日如無失儀處。一同賞賜。聽訓者如誠心聽訓。十七日可來。諸

生叩送。

十七日

關聖帝君降

文昌帝君降

孚佑帝君降

紫虛真人到

太上天尊降

西天教主釋迦牟尼文佛降

觀世音菩薩到

文殊菩薩到

普賢菩薩到

釋迦牟尼文佛

論門外再設桌一張。沙盤移出。賓主皆命從者傳話。

韋馱尊者傳世尊命曰。座上茶酒重換。

周將軍傳關帝旨曰。金生來。關帝昨日囑爾等。凡

事皆要齊備。因何跪讀不到。何爾等竟不知體貼也。汝立一旁。張生來罰跪香不恕。

觀音大士

示予轉求關帝。暫赦此次。關帝已經恩準。

周將軍傳關帝旨曰。爾等謝觀音大士三叩。

韋馱尊者

話屋中速買大燭。換上。愈速愈妙。

馬天君

示我奉關帝旨在此鎮壇。所有侍壇時刻。我必預爲明示。必不致使爾等稍有遲悞。十五日徹壇時。我已諭爾等。不可有悞時刻。張胡二生適已來。何隨便一去。累我受責。

周將軍傳關帝旨曰。吾本不能應允此事。觀音云。伊有罪本應罰。奈此際正大宴之時。不可有泥中之辱。因此求免。姑記此過。張生到跪壇下曰。實稟。稟同于胡二生吃飯。因候伊二人

故遲。曰。汝須思想。聽訓者何足論。胡生一烟

鬼耳。何足候他二人。以誤汝之正事。以後不

可如此茫昧。上壇叩謝觀音。後謝關聖帝。叩

謝畢。曰。聽訓人不知此壇規模不怪。胡生來。

此飯此烟美乎。關帝待汝十分恩典。今日乃

大宴之期。要緊之日。何故延遲至此時。方回。

關帝本欲罰張生與汝跪香。觀音勸免。金何

二子同來。關帝派汝二人何責。同稟知罪曰。

汝二人日後再逢此等事。二人無拘何人。立拒莫使犯規。犯規固不足慮。然有犯規。關帝未免大怒。似乎汝二人有不安之處。日後不說與犯規者同罪。說則不聽。與汝二人無干。堂上再換茶酒。

紫虛真人傳太上天尊命曰。予自前次來此。諸生各各皆頗誠敬。關帝仍未免嫌爾等不恭。今番忽有此犯規二人。關帝倍加嗔怒。予不憚

言辭。爲爾等細剖析。

在壇不可犯規文。

夫滔滔天下。紅塵亂撲之時。有志者隱匿山林。不欲爲汚世染也。諸天佛祖。皆以清淨。不能臨塵。宣化者多矣。但見風沙亂起。干戈動而塗炭。黎民奇禍皆臨。水火起而傷殘百姓。一時哭聲遍野。戾氣冲天。玉帝見之大怒。一時欲將蒼生收盡。斯世重新。我關大帝與呂帝。心慈愛而不

忍跪乞通明數日。玉帝方纔奏準。且使二帝立誓。以度此民。限期飛鸞宣化。故關帝用一片苦心。救萬方黎庶。所垂救世等篇。一字一淚。淚灑成行。爲世之苦心。無以加矣。奈爾等蒼生。執迷不悟。全難酬帝之心於萬之一二。故立宣講一舉。然後勒成一書。廣傳此世。豈知世人能覽淫書萬卷。不看寶訓一篇。關帝猶復栖栖天下。各省周流。豈不知世道難回。而帝之心立救小民。

重逢聖世而已矣。故此處莫非立一仙壇閒叙。何關帝竟來立宣化哉。此實悲天憫人之念。不容己也。爾等壇下寥寥無幾。尙不能齊而一之。猶欲廣傳此訓。又誰能奉行哉。爾等亦宜思立此堂後。何樣光輝。玉帝常勞御輦。諸尊屢降鸞輿。恨不能用一言挽回世道。又加賜汝功。但憑爾等修持。可能至此乎。此無非鼓舞振作之意。關帝見有稍遵訓者。猶可自安。有違規者。氣沖

指文寶金 卷二 五十六
牛斗矣。關帝自嘗曰：吾關帝幾同魯之孔子。但魯孔子猶有一死，而不顧斯民。吾關帝萬千百劫，無不以蒼生爲念也。悠悠蒼天，何時已也。汝等聽關帝之言，卽不落淚，不免悽惶。有人心者，切不可負關聖萬難之苦衷耳。若聞斯訓而不知轉意者，將與禽獸何異也哉。此天尊懇切言之，甚勿以辭之淺近忽之。各鈔一章，每早誦一遍，庶可不忘關帝者乎。然予不敢定。

周將軍傳關帝命曰：二聖旣來此壇，雖世尊爲主，然我與文呂二帝地主之情，不可不盡。命爾等中設二座，世尊道祖西觀音，東文殊普賢菩薩，窗下不動。三帝爲主，速備果盤，重酌茶酒。我三帝欲與二聖暢談，有事再架。此盤不可擅動。

韋馱尊者傳世尊命曰：旣關帝有此美意，不可辜負。爾等莫憚勞苦，侍立兩旁。今宵諸尊暢談。

無甚訓。架機二人不可擅動。有話諸侍者傳。

南極大帝降

話好會宴。何不招我設座。

馬天君

諭諸生侍立多時。各賜茶一碗。眾齊飲。飲畢三叩。扶鸞者跼飲。無旨不可擅自登堂。

周將軍傳關帝旨曰。壇下不準私自談話。有事馬天君傳。毫不用爾等操持。關帝旨。西廂窗下

設二座。燒燭一盞。清酒二盅。清茶二盞。韋馱

尊者紫虛真人稍叙。茶酒獻完。向西屋參三

叩。各參畢。曰。關帝旨。此番獻禮。皆有儀不忒。

可賞。每人六功。聽訓者亦然。胡張二生。功過

相抵。于生雖不知壇下規矩。然亦不得爲無

罪。減去三功。僅存其半。皆宜謝恩。金何二生。

不言之過。減去二功。僅存四。沙生置供有功。

外加二。賞罰已畢。關帝有旨。爾等侍立許多

時候各宜歇息。三帝同二聖。以及三菩薩。隨駕諸尊歸天。

十九日戌刻

吟秋真人玉皇香案使到

詩

孤雲一片任西東。前度流霞淡淡紅。自古書生原命薄。不堪回首月明中。

話游仙至此。莫問名姓。我乃吟秋真人。今奉

玉帝旨。有事經過此處。特來一望。

訓噫嘻。世道久頹。不堪回首。自我飛昇而後。不過十數秋。而世道人心。大為更變也。幸逢諸天佛祖。大發慈悲。立此方便之門。雖在壇之幸也。實津邑之幸也。前途勿懈。自得善報。諸生戒之。予不克久留。

柳真君到

李白大仙到

旨迷寶錄

卷二

三

邵生稟弟子刻下謀事有成恐不能久在壇
下實出於不得已

宏教真君曰。汝之話差矣。此壇原是大開方便。豈
可因入壇而不顧衣食。致使妻子有凍餒者乎。
無非壇下人太寥落。能在津門作事。尙可偶至
壇上面帝爲妙。如實不得已。卽外出。帝君亦不
能怪。但恐舍此機會。不能再遇也。汝自斟酌。如
衣食不足。欲獲大利。汝可自便。佛祖不能阻。

吟秋真人復到

詩

古往今來急似梭。特臨月下放高歌。誰人可保
千年壽。貪戀紅塵却奈何。

悠然一逝迴離塵。倏忽光陰已數春。舊日良朋
誰再認。卽逢面叙不知人。

二十日

李白大仙到

宏教眞君到

孚佑帝君降

詩

白雲孤鶴任遨遊。人靜宵深露氣浮。浪靜海濤
三島現。月明銀漢一天秋。

話昨日邵生求事。儻能成就。壇下又缺一
甚爲可惜。又聞馬天君奏曰。此屋恐不能久
駐聖輦。嗚呼此壇之立。何其葛籐屢起也。但

願諸生克全其事。不可有始無終。吾與關文
二帝苦心用盡。汝等可將太上訓文。日三復
焉可耳。孔子曰。吾道不行。吾末如之何也已
矣。此時可爲三帝誦矣。悲夫。

詩

飛鸞費盡數年心。天下栖栖竟至今。救化世人
能有幾。徒令月下淚沾襟。

寶訓昭垂數百篇。欲拯迷氓總枉然。一字一珠

一點淚。世人竟作等閒看。

良夜淒涼歎道窮。塵烟亂起滿天紅。吾心亦似
多情月。照徧人家暗室中。

無限悲愁發詠歌。空教血淚灑山河。諸尊縱有
千般訓。其奈人心不轉何。

人心不轉欲何如。但願諸生莫負初。每到壇期
誠候駕。早須成就一編書。

諭時已晚矣。不便久坐。可將此訓數則。令同

人看。庶可表吾之苦衷耳。

二十一日

瑤島司華使蘭心素客到

詩

微風送我白雲來。早識名壇此際開。欲問降臨
何人也。身居海外古蓬萊。

諭諸生兩邊少待。帝君遲二刻方降。

話畫壁輝煌。明窗燦爛。諸尊寶墨。光彩直入

重霄淨几爐烟。篆靄直沖碧漢。壇下人雨邊
鵠立。壇上人專候鸞輿。所降者聖賢仙佛。所
垂者寶訓佳章。卽我輩亦不能親朝玉帝。而
汝等得覩天顏。此等光華。直駕於我輩之上
矣。子自膺命。掌理人間一切善惡報應。在呂
帝殿下聽遣。此日經此過。更加與諸生有香
火緣。特趁三帝未降。偷閒稍坐。諸生向北三
揖送我。

青縣城隍司到

示我乃本地之人。本地有此大事。急速奔來
參壇。有呂帝殿下柳真君傳旨。命我留數言。
我本無救世之才。不得不爲數句。

戒重貨財薄父母文

爲人不可好貨財。不顧父母之養。人生最宜戒
也。試想身爲父母生。錢財亦爲父母有。不得私
妻子。須擇兄弟姊妹閒困乏者。格外周濟。手足

既無彼貧我富之分。父母無不喜。父母喜。則人子之職分全矣。若私財自積。不但不顧同胞。而且不顧父母。將何以爲人子哉。況天下無百歲之父母。一時不盡孝。及悠悠長逝。再欲瞻依膝下。不可得矣。我生前卽犯不孝之罪。至如今猶不免抱愧萱親。恨不得補生前之過。諸君子有父母在者。務要盡心供養。而不使有分毫不悅之處。其可謂孝矣。予管窺之見。諸君子諒之。

示子公事糾纏。不暇候帝駕。大家一揖送我回。

麻祖元君降

詩

滾滾紅塵拂面來。大千世界慘烟堆。諸尊處處飛鸞化。無奈人心不一回。

話呀好光彩也。

詞

指迷寶錄

卷二

六六

滿壁輝煌寶墨。爐中香入瑤臺。案前燭影蕊初
開。最是清閒可愛。老屋三閒托足。案上清酒一
杯。吾仙特此醉新醅。極是優游自在。

話屋中華美而不傷於雅。壇中鵠立之人。各
各精誠。予奉瑤池金母旨來。二十四日。金母
駕臨。餘無他囑。諸生送我。

關聖帝君降

詩

一日臨塵一日愁。世人可恨不回頭。帝君用盡
千般力。天下栖栖幾日休。

文昌帝君降

詩

世道頽唐使我愁。愚氓何日可回頭。訓章不使
迷人悟。佛祖憂懷總不休。

孚佑帝君降

詩

萋萋烟樹使人愁。已到山窮水盡頭。不使迷人
登彼岸。飛鸞開化總難休。

孚佑帝君

訓 玉生

汝平昔爲人。只以直道。尙無曲折。但
須收斂。不容馳騁。要得正心之訣。

關聖帝君

話 吾帝知。昨朝呂帝有感懷。數絕可知。三帝
之心。無時不以蒼生爲念也。悲夫。吾當和之。

詩

費盡諸尊一片心。栖栖開化到如今。世人難返
原來性。惹得雲長淚滿襟。

留得名經數百篇。一觀世道一悽然。最恨人心
終莫返。豈知佛在暗中看。

皇皇大道竟孤窮。長夜興愁淚灑紅。誰識諸尊
救世苦。迷人皆在醉鄉中。

木筆盤沙放詠歌。柳枝甘露徧山河。無時不把

蒼生念。不轉人心可若何。

共懍天威赫赫如。諸生切莫負生初。壇期務要同心叩。早早垂成救世書。

代定菩提降

御祿佛降

代定菩提

話予初次來此。但見人心皆無虛偽。一派真誠。何患三帝之功不成也。可預爲三帝賀。

歌

天下事。日忙忙。或爭鬪。或輕狂。百端百樣天心喪。豈不見衰草埋幽徑。枯林送夕陽。蟬聲噪處音嗚咽。幾卷破石。幾處殘房。卽是那當年金谷園。又不見捉襟肘見。短褐不完。或依古寺。或倚頽垣。旣爲乞丐誰不謗。欲問其根源。不是狀元子。卽是尙書郎。循環天理真不爽。何必迷渡不回鄉。豈不見西天佛祖。自自然然。黃金臺畔。白

玉堦前。琥珀池中萬朵蓮。又不見方壺員嶠瀛
島蓬山。飛昇羽化得金仙。一曲霓裳萬古月。三
千佳客九重天。較比那紅塵上。苦海邊。淒風苦
雨民塗炭。何不早登大悲船。一淨了萬緣。一淨
了萬緣。

御祿佛

諭我陪代定回天諸生向北送。

關聖帝君

諭適纔代定位極高上。乃是金闕太傅總理
南方冊籍。今宵天宮事極緊。吾不能久坐向
北叩送。三帝歸。

土神報曰。有三丰張祖師降壇。諸生向北迎。

三丰祖師到

詩

適聞此處法壇開。不憚勤勞駕鶴來。願與諸生
同結會。異時共上古蓬萊。

滿座輝煌透碧霄。諸生日後定逍遙。西天早結菩提種。共上蓮臺萬劫消。

早將寶訓勒成書。警動迷人霹靂如。佛祖慈悲消大劫。柳枝甘露潤如酥。

爐內香烟篆結成。光從月下倍分明。且期日後功成就。我與諸生共步瀛。

諭另日再訓。向北送。

二十二日

李白大仙到

詩

我在蓬萊跨鶴游。忽逢關帝古山邱。停雲片語英雄慘。長歎一聲天地愁。豪氣已沖牛斗上。淚珠亂灑馬鞍頭。帝君救世誠勞苦。諸子真心且莫休。

孚佑帝君降

文昌帝君降

關聖帝君降

諭諸尊輪流賜訓。已有二冊。帝君看來。不可多需時日。命李白仙在此鎮壇。可將寶訓置此屋內。以待請李白仙編次。

孚佑帝君

諭關大帝欲此書速成。以了善舉。諸生小心候駕。三帝歸送。

斗口大魁到

詩

身居玉闕幾春秋。百丈文光射斗牛。桂籍全憑我自掌。仁人必定出人頭。

話聞得諸生立宣化。故來稍坐與李青蓮大仙閒叙。爾等退下。叙畢我自走。不必爾等侍候。各隨自便。

二十四日未刻

渾化真人到

旨迷寶錄

卷二

七

詩

片影逍遙海上雲。溪邊睡鴨結成羣。一聲忽報三秋雨。喚醒眠鷗看瑞雯。

論諸生少待。皆歸西窗下侍立。帝君少刻卽降。

示此詩解曰。片影者言微小也。却是逍遙境界。在苦海之上。一段紅雲。卽言垂教以化愚民。皆知聖人孝弟之大道。溪邊卽是小小河

灣。指天津言也。睡鴨指天津之人。皆是昏昏黑黑。如睡鴨一般。同羣毀謗。三秋雨者。三秋指三津言之。如教化不興。水溢三津。若到劫來。各各立時夢醒。皆悔之無及。共求諸尊救拯。故曰喚醒眠鷗看瑞雯。然而不得矣。鴨鷗二字。亦有喻義。鴨者本生於水。而多被人圈住。喻本邑之人。本已落在水矣。三帝撈得上岸。如三秋雨來。則便爲鷗。江河湖海。任爾遨

遊矣。予有一絕，留與衆聽。

詩

海上風波指日來，雲程萬里水雲開。諸君誰有匡時策，能使愚民脫大災。

話嗚呼，予亦未易言矣。此際疑謗皆興，風聞四起。諸生非有金石之堅，松柏之卓，不能全始全終。諸生見松柏萬年，堂中懸松柏萬年四字，係玉帝所賜。萬不可見如未見，予亦不

必多言。知此四字，餘皆不必論矣。諸生送我，予亦可安居天下，不爲此事憂矣。

馬天君

話汝等知適降果何許人，垂訓半响。稟不知曰：此乃渾化真人。知否。稟不知曰：卽吟秋真人。值此勢最不可當之時，深恐汝等有負前志，拋却前功。特來勸汝等，宜立一個松柏萬年之志。

宏教真君到

三丰祖師降

詩

大劫茫茫轉瞬臨。蒼生痛斷祖師心。諸生莫懈初時志。何患邪魔把爾侵。

訓金生

關帝深許汝之高潔。命汝總理壇前事務。此恩此德。不可辜負。惟有不。忘關帝之訓。即為不負我師。呂帝。駕出絕塵矣。小心候

駕

孚佑帝君降

詩

一天慘氣恨難窮。痛淚雙拋點點紅。幸有杜康消我憤。興來暢飲萬難中。

話當此境界。雖有千般法力。已難消萬尺魔烟。諸生各自傾酌。聊作一時之歡。

正陽帝君降

張祖師降

何祖元君降

藍祖師降

李祖師降

曹祖師降

韓祖師降

南極大帝降

仙鶴童子到

關聖帝君降

文昌帝君降

孚佑帝君

諭諸尊同回酉刻復降。諸尊會飲未得垂訓

酉刻

馬天君

諭瑤池金母已蒙玉帝宣有公交割。尙需時刻方能駕到。諸生尙且自便待三刻工夫再

迎駕三刻後。此屋圍靠皆要齊備。中一座。三帝窗下陪。門外仍用桌設盤。傳話諸生隨便。三刻迎駕。今朝子正一刻。有牟尼佛駕到。徹壇須不能早。

酉初三刻回西

周將軍到

關聖帝君降

文昌帝君降

孚佑帝君降

瑤池衆金仙到

東方朔大仙到

麻祖元君到

東方朔大仙傳諭。瑤池金母已升座矣。

靈佑大帝降

東方朔大仙傳諭。金母曰。予昨遣人到此云。予今

宵降臨。無非一則瞻仰佛堂。二則欲垂數言。

而何諸生一切鋪陳大異尋常金母心甚不安。稟金母初次駕臨理應如此

周將軍傳旨壇上暫且清談稍待垂訓命本處土

神赴順天宣本省城隍來此垂訓。

本處縣府城隍到登堂參座

六州縣城隍到登堂參座

欽命順天各省政府總司威靈公裴到

土神報換茶酒。

本省總城隍

詩

茫茫世界盡成沙。一縷紅雲趁日華。諸子但須
堅本立。逍遙定上古仙家。

話予守天津多年。見此處世態炎涼。人心損
壞。即有佛祖法力。而欲救本處之民。大非易
事。今既有宣化一舉。不可因此時物議叢生
而懈。

勸婦婦文

嘗聞松柏丸丸。歷千秋而不朽。冰霜烈烈。憑百
物而難侵。萬物之生成不一。人居一焉。不有松
柏之貞。冰霜之潔。卽享壽百年。榮華一世。然不
能久乎世也。必至與草木同朽。又何能與日月
常昭哉。試進論夫婦居者。青年立節。萬古常昭。
最爲天地所親。鬼神所護者也。然而豈易易哉。
婦人之持身。恰如持玉。要一疵不能生。婦人之

踐履。不啻臨淵。要一步不可錯。雖有毫釐之差。
謬。外人卽以爲口實。相傳多而知者必廣。將有
終身抱恨。畢世含羞。卽死於陰曹。鬼面森嚴。不
免刀山劍樹。人身莫保。竟至爲馬爲牛。婦人之
節。甚不可失也。卽有一念之微。稍越乎規矩。斯
百善難補。怎脫夫輪迴。凡婦婦亦宜自思。朝廷
旌表。里閭傳聲。况汝能守苦節。而子孫亦必有
厚福。相因相報。不錯毫分。作善作惡。必有賞罰。

世之此等人者。要必如松如柏。如冰如霜。庶不負其爲孀婦云爾。

詩

獨守閨房夜不眠。捫心且自問青天。一身儻有塵氛染。怎至森羅寶殿前。
堂前若有一萱椿。奉養殷勤過別人。積得福田孫子受。孝行自報自家身。

鄰里相居意要和。勞謙須識益尤多。諸鄰格外

來垂顧。卽守空閨又奈何。

門內如存弟與兄。相親相近禮分明。但須視若同胞樣。棠棣花開手足情。

身爲孀婦少多言。話到舌邊且莫宣。一生不有羣人議。便是閨中第一元。

寂寞孤燈守翠帷。志趣高明孰與歸。若有生於村外路。一生切忌倚柴扉。

本要深培衆莫移。他年定步古瑤池。西天金母

來接引。纔是英雄得志時。

言雖淺近。要深思。莫使情牽與物移。名言朗朗垂塵世。天下孀居莫可違。

周將軍傳旨。諸位城隍。各自便向北四揖。送諸位城隍。賜茶。在壇各一盅。

瑤池金母

生女切忌驕傲文

夫天下父母所生女者。宜聽我訓。人皆曰。生女

易於生男。生男必得擇師取友。庶不致敗厥父母之名。豈知生女之最難者哉。最不宜者。不止一也。先卽性情言之。在父母膝前。一派驕癡慣養。不以爲意。豈知往之汝家。大非爲女之時矣。任其性情。固父母愛是女也。焉知日後。漸至驕傲。以至翁姑不悅。親友怨言。愛女者反害女矣。可不戒哉。

生女切忌豔妝文

夫美玉無瑕。何須粉飾。蒼松有節。豈待繁華。人生須以樸素爲要。嘗見爲人之婦者。不思孝順翁姑。只思豔妝以媚夫婿。莫不由於父母之教誨未到也。雖本身之過。父母亦不能辭其咎。

生女切忌常出門文

縉紳之女。富貴之家。萬無出門之理。最可恨者。半藏半露。身倚柴扉。敗節敗名。玷辱宗祖。其弊皆在此也。甚至於街前一有喧嘩。必出門戲望。

城邑一逢廟會。必叩佛焚香。此等惡習。筆難盡述。而且出門必須格外妝飾。豈不知治容誨淫也哉。

生女切忌與外人交談文

嘗聞男女授受不親。而言語獨不然哉。世之爲父母者。毫不加意於此。竟任其放蕩。高談雄辯。全不顧男女之分。於是有永墮輪迴之禽獸。少年浪子。因作出百端非人之事。父母知而阻之。

不已晚乎。

生女切忌輕辱奴婢文

天地之生。陰陽之長。人並無二。皆受天地陰陽之氣而生也。又何有高下之判哉。誰呼誰主。誰呼誰奴。無非貧富二字。相懸殊也。爲父母者。亦須自思。己身之兒女。外人輕辱。豈不怒乎。何畛域外人。若是之甚也。務要推一己之心。爲衆人之心。己身知愛兒女。萬不可輕辱他人兒女。

語以上數條。只就目前而論。尙未能盡其惡習。願爲父母者。慎思之。金母歸。

周將軍傳旨。子正一刻。有釋迦牟尼佛降臨。

子正一刻。與前爲一壇日。不另紀。

韋馱尊者到

文殊菩薩到

普賢菩薩到

西天掌教釋迦牟尼佛降

詩

一片祥光出太清，幾時可慰救民情。佛心恰是天涯遠，神目猶如星斗明。沴氣妖氛烟萬里，殘燈急柝夜三更。愛憐赤子如親子，但要丹心一點誠。叩畢駕歸

二十六日

周將軍到

話今日我帝君賜諸生法名候駕

李太白仙到

杜工部仙到

香山老人到

米南宮仙到

王右軍仙到

吳道子仙到

周遇吉將軍到

楊忠愍公到

謝忠愍公到

吳寶樹到

江西布衣江寶棠到

三丰祖師到

餐霞子到

吟霞真人到

笑月真人到

悟原真人到

渾化真人到

訓言生

汝已竟將及冠時。不特文章須細心

揣摩。而於日用倫常大道亦宜明白。第一要

孝雙親。第二要睦兄弟。第三要親宗族。然後

再加忠信之心。守禮義之法。知廉知恥。而於

世務洞知其故。然後竭力求名。用功作文。作

文亦通道理。切不可只於章句中求之。而不

究真實。記之。賜名藹如。

訓 陸生 汝母守節。惟有汝兄弟三人。以慰母心。且汝母撫育汝等不易。必須孝順同胞之中。尤須克盡弟道。然後再用心讀書。以求上進。賜名祝萱。

關聖帝君降

歌

雨意來。雨意來。相助我帝出瑤臺。出瑤臺。入蓬萊。諸生齊叩拜。此日兩邊皆鵠立。不知誰是謫

仙才。

訓 汝等果一心靜養。不染塵埃。天心可復。私欲皆開。這等人物。關帝愛。儻有日後心改變。萬欲叢生。天心不現。一心皆被塵土掩。這等畜生。關帝斬。念與眾聽。念畢。曰。汝等願愛願斬。齊稟願愛。曰。既願愛。莫忘古蓬萊。瀟瀟灑灑。灑得自在。登仙籍。入瑤臺。皆在今朝一聲愛。關帝旨。賜諸生法名。並賜以詩。命李白仙代宣。

指迷寶鑑 卷二
賜金生詩

佳士從來最潔高。蕭疏品格樂逍遙。慧業燈傳
參妙諦。空空極樂望迢迢。賜名慧空

賜何生詩

賜汝嘉名特寵榮。性天常葆獲無生。慧空與汝
參真諦。明朗元機悟上乘。賜名慧明

賜王生詩

謹守心猿莫放馳。無言亦自透元機。慧明妙法

須參悟。蓮蕊新開佛國時。賜名慧蓮

賜陳生詩

塵氛掃盡燦文章。丹桂初開嶺上香。慧本心機
明徹徹。芸堆書案恰芬芳。賜名慧芸

賜某生詩

聖帝今朝莫大恩。光輝頂上入青雲。慧心不遠
真方寸。緣會前生有定因。賜名慧緣

賜王生詩

指迷寶鑑 卷二

卷二

卷二

守住頑心見本原。一團和氣侍椿萱。慧心頓發
參真諦。純孝方能入聖門。賜名慧純

賜胡生詩

先天景象最宜參。圭玉清高立品難。慧業我今
傳與爾。仙人掌上認金盤。賜名慧仙

賜邵生詩

千秋孝子與忠臣。宇宙流芳兩字真。慧在一心
休外訪。靈臺方寸細追尋。賜名慧靈

賜張生詩

丕振家聲是讀書。仔肩名教賴鴻儒。慧心一點
凌霄漢。卿相名高喜自如。賜名慧卿

賜李生詩

樂育英才教誨奇。清華名列古瑤池。慧空妙法
原無相。眞業全憑五夜思。賜名慧眞

賜李生詩

山川靈秀古今同。二月春風看杏紅。慧敏都從

苦裏得芳名。定入上林中。賜名慧芳。

賜喬生詩

華髮絲絲一老翁。溪邊閒步俗難同。慧燈傳法

須參透。琴室深宵火尚紅。賜名慧琴。

賜沙生詩

慕我天威叩佛前。至誠真可格重天。慧明慧朗

藏微諦。淨室參參問已禪。賜名慧淨。

空朗禪師到

偈

佛國初開白玉蓮。却邀太乙快乘船。波羅密裏

多微妙。參透元機上九天。

話予本朝一老衲。忽流雲至此。蒙關帝留住。

飲盞清茶。特來稍坐。因與諸生結一段因緣。

夫空空色色之妙旨。本不難解。世間本是如

此景象。百般皆作此觀。不至為習俗染也。

厚德禪師到

偈

大道皇皇。指迷慈航。世人莫解。終是迷茫。浮生
若夢。豈能久長。輪迴一到。定見无常。銀錢何用。
房舍草漫。分毫不錯。報應循環。世人早悟。莫要
怠荒。吾說此偈。若不信。不信且自到南原。南原
一片荒邱草。枯柳衰楊帶夕陽。白骨堆堆誰可
認。蕭疎遠樹倍淒涼。土埋多少英雄骨。徒使臨
歧哭斷腸。

周將軍傳關帝諭。連番侍壇。諸子未免疲倦。今朝

權且徹壇。向北叩送。

指迷寶錄二集終								
---------	--	--	--	--	--	--	--	--

指迷寶錄二集終

錄且繪圖向此四邊

後番計學前于未快與

